

og Fiskarlagets Servicekontor AS, avd. Vest

Bergen, 21.06.19

Vår ref. 602/19/BSI/5.7.1.3

Dykkar ref.

COWI AS

E-mail
weg@cowi.com

KARMØY, RØYKSUND, VESTRE HAUGEN – REGULERINGSPLANARBEID 120/45 M.FL.

Viser til brev av 16.05.19, med vedlegg, vedkomande ovannemnde sak.

Fiskarlaget Vest har sendt saka til Karmøy Fiskarlag.

Generelle merknader

Fiskarane opplever ein stadig større konkurranse om areala, særlig i kystsona. Ein vil peike på at fiskarane i utgangspunktet er positivt innstilt til anna næring og aktivitet, men fiskeri og andre næringar har eit heilt ulikt forhold til bruk av sjøareal. Andre næringar har behov for nye/større sjøområde, medan fiskerinæringa er avhengig av å ta vare på viktige eksisterande fiske-, gyte- og oppvekstområde.

Eksempel på konfliktområde er; oppdrett (areal inkl. anker og utslepp av spillfôr/feces/lusemidlar), vindmøller til sjøs, reguleringsplanar ut i sjø (friluftsområde i sjø, flytebyggjer, ankringsområde, m.m.), ankring/verksemd i sjø, avlaups-/vassleidningar, kablar, fritidsinteresser (båttrafikk, fritidsfiske).

I tillegg vil ein gjere merksam på at fiskarar får klage frå hytteeigarar når ein fiskar i sjøområdet utanfor hyttene om natta, men òg elles.

Mange meiner at eitt lite enkelt prosjekt ikkje kan skade, men mange nok slike så avgrensar ein tilgjengeleg areal for fiske bit for bit.

Det er viktig at tilhøva blir lagt til rette slik at norske fiskarar fortsatt kan skape verdier av fiske for spesielt kystsamfunna våre! «Sjøvern» er like viktig for fiskerinæringa, som «jordvern» for jordbruk.

Ein vil peike på at ein kan vere med på å gjere kystsona meir tilgjengeleg for andre ved m.a. å fjerne tau mellom land og bøyar brukt i samband med fortøying av båt når fortøyingen ikkje er i bruk.

Ein må òg vere merksam på at ikkje lyssetjing på land og i strandsona blir slik at det kan blende eller vere til ulempe for ferdsel/fiske på sjøen.

Ein vil gjere merksam på at kommunen har spesielt ansvar for å ivareta lokale og svake regionale fiskeriinteresser i plan-/reguleringsprosessar. Fiskeridirektoratet ivaretar sterke regionale og nasjonale fiskeriinteresser.

Ein må òg ha med seg at framtidige generasjonar òg må kunne få tilgang til kystsona.

Vestre Haugen

Det blir her søkt om 5 fritidsbustader og naust/naustboder med båtplass i sjø.

I kommuneplanen er området satt av til frtidsbebyggelse.

Fiskarlaget Vest viser til kart frå Fiskeridirektoratet si nettside som viser at det ikkje er registrert fiskeriinteresser i tilknytning til reguleringsområdet, men det blir òg fiska i område som ikkje er registrert. Ein har t.d. «nye» fiskeri som leppefiske og fiske etter sjøkreps.

Ein føreset at eventuelle flytebyggjer og fortøyingar blir halde innafor reguleringsområdet.

Ved vurdering av småbåthamner/-anlegg må ein òg ha med seg den potensielle forureininga ei slik hamn/eit slikt anlegg kan ha.

Fiskarlaget Vest vil vise til at det er viktig at det blir lagt til rette for miljøvenlege småbåthamner/-anlegg. Det finst to viktige publiseringar kring temaet småbåthamner. Den eine er NGI-rapport "Kartlegging av forurensing i utvalgte småbåthavner i Norge" (TA-2751/2010), som viser at småbåthamner forureinar grunnen og sjøbotn, og at spyling og vedlikehald av skrog er den største kjelda.

CIENS-rapport: 2-2011 " Helhetlig planlegging og utvikling av miljøvennlige småbåthavner.

Kunnskapsstatus" gjev ei rekkje råd om korleis negativ miljøpåverknad frå småbåthamner kan avgrensast.

Det er total sett mykje billegare å førebyggja enn å rydde opp i ettertid, viss det i det heile lar seg gjere.

Ein vil til slutt gjere merksam på at fiskerinæringa er basert på fornybar biologisk produksjon, og er derfor grunnleggjande avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsværdi for norsk sjømat.


I tillegg er ein avhengig av å ha eigna areal å fiske på.

Med helsing
Fiskarlaget Vest



Britt Sæle Instebo

Kopi; Karmøy Fiskarlag
Fiskeridirektoratet region Sør
Fylkesmannen i Rogaland





Fla



FISKERIDIREKTORATET



Høgevarde



- Gytefelt torsk MB
- Gytefelt torsk MB
- Gyteområder
- Gyteområde
- Oppvekst - beiteområde
- Oppvekst - beiteområde
- Fiskeplasser - Aktive redskap
- Fiskeplass - aktive redskap
- Fiskeplasser - Passive redskap
- Fiskeplasser - passive redskap
- Rekefelt - Aktive redskap
- Fiskeplass - aktive redskap
- Låssettingsplasser
- Låssettingsplasser
- Skjellforekomst
- Skjellforekomst
- Fiskerihavner
- Fiskerihavner
- Anløpskai fiskeri
- Privat kai
- Ukjent kai
- Slipp/verksted
- Bunkringsanlegg
- Notboten
- Mottaksanlegg- aktiv
- Mottaksanlegg- nedlagt
- Offentlig kai
- Tareskogforekomster
- A - områder
- B - områder
- C - områder
- Ålegrasenger
- A - områder
- B - områder
- C - områder

